

LIBRI ILLUSTRÂT

Pe infanzie dissens e poeisis in dos lenghis

Al sarà presentât vinars ai 27 di Jugn aes 8 e mieze di sere te glesie di Sant Michêl a Glemone il gnûf libri illustrât pe infanzie "S_cûr sotsore" di **Laura Nicoloso** e **Silva Ganzitti**, scrit par furlan e inglês, editât di 'Lorto della culture'. La serade e sarà vierte di **Renzo Brollo** e moderade di **Giorgia Zamparo**.

CONCORS LETERARI

Oparis ineditis dentri dai 30 di Jugn

L'associacion culturâl Colonos e vise che al scjât ai 30 di Jugn ch'al ven, a miezegnot, il tiermin par podê partecipâ al concors leterari "In Trê Riis" par romançs in lenghe furlane, organizât in colabrazion cu l'Arlef.

Lis oparis a àn di sei ineditis e par furlan, cuntune lungjece massime di 180 batudis (cjapâts dentri ancje i spazis), e si à di inviâlis par pueste eletroniche a la direzion info@colonos.it. A pue din concori ducj chei che no àn plui di 35 agns.

SCOLTADIS DI DRIUS


Aghe straçade

Il mont al à simpri plui bisugne di aghe.

Parcè duncje strassâle cul bevile?



Voje di contâus par radio



Dino Persello in sene

Radio onde furlane e presente tra lis novitâts pe programazion estive dodis pontadis cun **Dino Persello**, ecletic atôr, regjist e autôr teatrâl, che al propon une selezion dal so teatri.

» DI CHRISTIAN ROMANINI

Ancje Radio onde furlane e sint l'Istât e la prime setemane de stagjon des vacancis e à screât come ogni an la progazion estive cuntun gnûf palinsest: chel di 'Onde Furlane d'Astât'.

Tra lis novitâts di cheste edizion o vin la presince di **Dino Persello**, ecletic atôr, regjist e autôr teatrâl, che di lunis ai 23 di Jugn al è in onde ogni buinore dopo dal prin spazi informatif de radio libere dai furlans.

L'apontament al è par dodis pontadis (dal lunis ae sabide aes 9.40 di buinore) cun 'Voie di contâus', une selezion radiofoniche di 'teatri minim' di narazion e scolte, che **Dino Persello** al à puartât in sene za di cuatri

agns cun passe 100 replichis. "Ma plui che replichis si trate di une rielaborazion continue" i ten a precisâ Persello "Tai pue scj dulà che o ai fat lis primis jesusdis, cumò mi tornin a clamâ parcè che a viodin che il spetacul si è modificât cul timp".

REGISTRAZIONI IMPEGNATIVIS

E ancje pe version radiofoniche al à lavorât no pôc "Dal víf mi plâs zuiâ tant cul public: e je une interazion spontanee e genuine. Ma denant dal microfon o ai scugnût puartâ chei tocs che o ai ritignûts plui adats e o amet che lis primis regjstrazions a son stadis une vore impegnativis" nus dîs l'autôr-atôr che tal

so contâ e tal so scoltâ al ponte une vore su lis sugestions e lis atmosferis che a nassin di storiis di cuotidianitât imbombadis dal savôr gjenuin dal caleidoscopic patrimoni des varietâts de lenghe furlane.

"Une bieles novitât di cheste edizion - al conte Persello - al è l'insiorament che al ven de selezion musicâl fate di pueste par cheste trasmission: par chest o ai agrât Radio onde furlane e in particolâr **Pauli Cantarut** pal vè crodût di subit e cun entusiasim in chest progjet e par vè metût un alc di originâl par fâlu cressi inmò di plui".

SPETACUL INMÒ PLUI FUART

Se duncje o volês scoltâ Persello e dute la programazion di Radio onde furlane, o podês fâlu ancje chest Istât: baste sintonzâsi sui 90 Mhz in buine part dal Friûl, sui 90.200 e 106.500 Mhz in Cjargne, sui 96.600 Mhz a Colonia Caroya, in Argentine, o midiant di Internet doprant la direzion web www.ondefurlane.eu, in dut il mont.

Ma Persello no si ferme chi: "Dal sigûr di cheste esperience il spetacul al ven fûr inmò plui fuart e o continuarai a proponilu ator pes placis dal Friûl, baste dome che la int e vedi voie di 'contâ' e scoltâ' magari continuant a partecipâ ancje jê".



ilfriuli@ilfriuli.it

ÂSTU DI FÂ LA REVISION? Va li de Motorizzazione!

PARCÈ? parcè che ti coste di mancull!

A DOME 45 EUROS tu podarâs fâ la revision de tô machine

DULÀ? li de Motorizzazione civil in **Vie Popone 67** a Udin

CUANT? cence prenotazion il lunis e il miercus des 14.30 aes 16 e il vinars des 8.30 a misdi

VISITI: si à di fâ la revision de machine dopo 4 agns de date di imatricolazione e, dopo, ogni 2 agns

IL PAIAMENT di 45 euros si podarâ fâ diretmentri li dal centri, doprant il bancomat o midiant versament sul ccp n. 86055290 intestât ae Amministrazion provinciâl di Udin - Servizi Motorizzazione

PAR INFORMAZIONI clame il call center **848000388**

o visite il sît internet: www.provincia.udine.it/muoversi/motorizzazionecivile

